

處士許白雲先生謙金華人也自少力學受業於宋末金仁山之門居數年而盡得其奧屏跡入華山中潛心養志不求聞達朝野交薦力辭不起是誠安於義命而非偽隱沽名以爲仕宦之捷徑者也其教人以開明心術變化氣質爲先而獨不教人以科舉之文曰此義利所由分也

王原吉

達士王原吉先生逢江陰人也至正間屢徵不赴避亂於上海之烏涇築草堂以居自號最閑園丁世所謂席帽山人者也

陶宗儀

逸士陶宗儀先生宗天台人也元統間避難於松江城南之吉

道藏輯要

三丰全集 隱鑑

三 續畢集七
川文又

林里雅好著述雖力耕畝畝恒以筆硯自隨置一甕樹下遇有所得卽書以投其中久之成帙曰南村輟耕錄至正間屢辭辟舉洪武六年舉人才至京力辭放歸

蔡清真

逸士蔡清真先生微瓊山人也通經史好泉石元末隱居不仕築室深山問學者咸斗酒豚肩以就之先生無不解說人謂海南儒者未能或之先也

顧仲瑛

逸士顧仲瑛名德輝崑山人也才情妙麗輕財結客築別業於茜涇之西造三十六亭